

19 NOV 2002

BANK MALAYSIA-POLITIK/I

BANK M'SIA BEBAS DARI CAMPUR TANGAN POLITIK, KATA S&P's

KUALA LUMPUR, 19 Nov (Bernama) -- Campur tangan politik tidak pernah dijadikan bahan untuk mempengaruhi operasi perbankan di Malaysia, kata pengarah sekutu Financial Services Ratings, Standard & Poor's, Adrian Chee.

"Saya rasa ini agak nyata, jika anda melihat operasi bank-bank di Malaysia, terutama bank yang besar dan utama di mana mereka sebenarnya adalah milik kerajaan tetapi stail pengurusan bank-bank ini sebenarnya dijalankan secara komersil," kata beliau pada persidangan akhbar di sini hari ini.

"Kami tidak menjangkakan sebarang pengaruh material dari luar," kata beliau ketika ditanya sama ada amaran menaikkan keperluan rizab berkanun (SRR) bank oleh Perdana Menteri Datuk Seri Dr Mahathir Mohamad ketika Ucapan Belanjawan pada 20 Sept lepas merupakan tanda-tanda campur tangan politik dalam mengendalikan operasi perbankan.

Chee berkata kenaikan SRR hanya disebut dalam konteks untuk merangsangkan pertumbuhan pinjaman terutamanya kepada sektor industri kecil dan sederhana yang akan mendapat sokongan tambahan.

Fokus pinjaman bank ialah ke atas pinjaman produktif dan akan terus berusaha ke arah ini, tambah beliau. -- BERNAMA

MSL SD AA